







32101 014924102

PRINCETON UNIVERSITY LIBRARY

*This book is due on the latest date stamped below. Please return or renew by this date.*

--	--





# النصاريات

أحمد الشيب

## الكبرى

في رثاء الامام الشهيد الحسين عليه السلام وآله وصحبه الكرام  
وهي اعظم ملحمة تاريخية في فاجعة الطف الدامية  
للشاعر الحسيني الخالد المرحوم الشيخ محمد نصار « رحمه الله »

### بالاشتراك مع :

- ١ - السيد عبد المنعم
- ٢ - السيد الميرزا
- ٣ - السيد خضر القزويني
- ٤ - السيد علي الهاشمي
- ٥ - الحاج زاير
- ٦ - الشيخ مهدي الظالمي
- ٧ - الشيخ عبد الأمير القتلاوي



# النصاريات

أحمد الشيب

## الكبرى

في رثاء الامام الشهيد الحسين عليه السلام وآله وصحبه الكرام  
وهي اعظم ملحمة تاريخية في فاجعة الطف الدامية  
للشاعر الحسيني الخالد المرحوم الشيخ محمد نصار « رحمه الله »

### بالاشتراك مع :

- ١ - السيد عبد المنعم
- ٢ - السيد الميرزا
- ٣ - السيد خضر القزويني
- ٤ - السيد علي الهاشمي
- ٥ - الحاج زاير
- ٦ - الشيخ مهدي الظالمي
- ٧ - الشيخ عبد الأمير القتلاوي

---

منشورات المكتبة الحيدرية ومطبتها في النجف ت (٣٦٨)

١٣٨٥ هـ - ١٩٦٥ م



702334

N18

366

1987

(RECAP)

بِسْمِ اللَّهِ الرَّحْمَنِ الرَّحِيمِ

( هذا ما قاله العالم الفاضل الشيخ محمد بن علي نصار )

( يرثي سيد الكونين أبا عبد الله الحسين « ع » )

سار احسين وأمسي الحرم مغبر

اوبلي والمدينه صفت تصفر

طلعوا آل هاشم عن وطنهم	أو ظل خالي حرم جدهم بعدهم
ساروا بليهم أو بعد ظعنهم	أو لن صوت العليله ابكلب محمر
دريضوا هنا يهلنا للعليله	يهلنا افراگكم ما ليش حيله
يهلنا بعدكم ما نام ليله	او عيني من بعدكم دوم تسهر
يهلنا خلوا اخويه الطفل بالله	يفضل عندي اوروحوا وداعة الله
يهلنا امن المرض گابي نكله	يهلنا خلوا خويه الطفل وسدر
بچن وبلي وناذنها دخليه	اهلها او بحضن امه درديه
طفل او فراگك امه يصعب عليه	ولا امه على فرگاه تصبر
صاح احسين يا فاطم دردي	دردي للمدينه وطن جدي
اودي لچ على ابني او چبدي	اولابد ما نجي يمچ امخبر
ردت للمدينه او سار ابوها	او ظلت ترچب عمها واخوها
ظنت فاطمه لنهم يجوها	اخوها والبطل عمها المشكر
بگت تبجي يوبلي اولا انگوها	اوهم امسوا يوبلي ابر الاقفر



جد السير احسين الغضنفر  
يريد اوصال بيت الله الأكبر

زلاوا بأرض مكة مستجبرين	اويها خايفين او مستجبرين
اجت الكتب مترادف على احسين	امن الكوفه إلك لكين عسكر
بعث ليهم يواجهم بمسلم	كتب له بايعوني الكوم اقدم
طلع خايف والحجاج تحرم	او ما يدري ابن عمه تگنظر
ابدربه درى بمسلم چاتلينه	او من گصر الأماره ذابينه
او من رجلاه يوبلي ساحيينه	لمن سمع بمصابه تجير
وحين ما گارب الكوفه الكشره	تلگاه التميمي ابگاع گفره
او من التلاقي وگف مهره	عرفها كربلا ابنشدت العسكر
نزلها اونزلت العدوان آلاف	يحبسونه يطاوع أمر الجلاف
وخوته وصحبه الطيبين الأسلاف	اسباع او بالحرب بكره تبختر

## في شجاعة الانصار

السكون اظلم ابهج الخيل واغبر	اوشع ابلمعة الانصار وازهر
احتوف وهايجه ما تعرف الذل	اشلون الي بعريته ارهاج مشبل
تلوي دون عزها لوية الصل	انزاغورة انفج علموت الأحمر
كل لماع مدرع يشع للناس	وجهه الدرع والسيف والطاس

متبسم امشرب ناشر الراس  
اشچم حران من رعه ايتاير  
ما والله كرب ليه او تجاسر  
احلوك من لفت ذبح المشاهير  
مظلم الكون بس لمع الغدادير  
لوصاح الحريب اورجوا الزان  
تفدي اگرومها شي شفت غزلان  
كضوا حق عليهم دون الخيام  
لما طاحوا تفايض منهم الهام

على الأنصار يا كلبى تفطر

تهاوو مثل مهوى النجم من خر

هذا الرمح بفساده تشنه  
او هذا الخيل صدره رضرضنه  
هووا ما بين من كطعوا وريده  
او بين امشبح ابرميه شديده  
اويلي الروس شالوها على الزان  
نجوم اتموج من دمها ابغدران  
ركب غوجه او تعن احسين ليها  
او هذا بيه للنشاب رنه  
او هذا او ذاك بالهندي اموذر  
وقع راسه او ما بين طارت ايده  
او بين الصار للنشاب مكور  
او لعبت خيلهم على جثث ميدان  
نوب تطفح او نوب تغور  
لگاها بس جثث ومسلبيها

صب الدمع وتلهف عليها او كمال احتساب عند الله وصبر  
وي احسين ماضل بالمخيم غير اولاد اخوه وولاد مسلم  
وولاده وختوته اولاد العم وغير اولاد عبد الله بن جعفر

اوبلي من الانصار الخيم تصفر

بس اولاد هاشم نجم تزه

الكل شبان ما منها لبعده اختط الشعر لا والله اوجده  
او بين ادراك ابلوغ او بين بعده او بين البلمهد يلوع ويفغر  
يوبلي من تلاگوا عند الوداع دروا ما بعد ملكه غير هساع  
غدا ماي الدمع ينحال بالصال او تگلي اكلوبها من العطش والحر  
هذا يشبگك ابهنا او يحبه او هذا بگلب هذا يحيط گلبه  
او هذا دمعه الهنا يسبله او هذا يشم خد هذا او يصفر  
اوبلي غدت للشبان حنه غده هذا الهنا يجرونه  
او كل واحد الموته تمنه ولا ييگه الهنا اليوم الاكشر  
سبگك للحرب عبد الله بن مسلم امنگب من ابوه النفل والام  
شاب ابن اهدعش مزراك من سم تلوه او تفج يگطر موت احر

## في شهادة عبد الله بن مسلم (ع)

ابن مسلم لعند الحرب شمر

شباب اولاد يخاف الموت مسهر



اسم الله عليه فرع بالذوايب      كمر لاجن ابليل الشعر غايب  
 حاط الخيل ودعاها جنايب      او خلاها امروج اموج بالبر  
 يشع بسام الميدان مسود      اورجف زانته والموت يرعد  
 تنخه او كال ولکم حي الها الحد      لراويکم اليوم الموت الاحمر  
 ابن هاشم او شبل الليث معلوم      امجرب والزمط ينعرف هليوم  
 طفحها اوزبها على الصمصوم      اورد النبع بالهندي امكسر  
 حر يتخطف الزانات وتذبه      او من ينصب الحفه الموت يلويه  
 يجر سيفه والمكدر يشع بيه      او خاف الموت من عنده او كثر  
 اجاه السهم بس تسمع رعيده      امنيشن گصته ارميه شديده  
 شكف عن الوجه ويلاه بيده      سمرها الكصته او خلاه يفغر

يا گلبي لبني مسلم تنمطر

شباب او مثل روح الطير من خر

عجز ويلاه عن تحريك جفنه      آيس من حياته وركب حتفه  
 نفص وبلي عدوه عليه شلفه      تكور مثل خر الطير من خر  
 عزيز الروح بالتربان ممدود      اودم السهم يجري فوق الحدود  
 كمر لاجن ابدم اشرق او يجرود      يوسفه عليه بالرملة امعفر  
 شاج تحت عج الخيل عينه      ما ينشاف بس تسمع ونينه  
 يريد أحد يغمضه اعينه      ايس واغرقت روحه امن الحر



اشيب والهنادي وزعنه وايدم الشهاده غسلنه  
 ابعج الخيل ويلى جفنته اودفنته بشعاع الشمس والحر  
 نزلوا بغداد ابن مسلم الشيبان تنخوا واسفروا لمطالق الزان  
 حسوا خيلها وشلوا الميدان لما خروا تقول انجوم وتخر  
 على الشبان يا كلبى تفطر  
 تهاوو مثل مهوى النجم من خر

بعدهم طلع طفل امن الصواوين امطوكت والتراحي على الخدين  
 يدير العين يسره او نوب ايمن طفل مدهوش يتلفت امذر  
 جبهه من هيب العطش بورح تراحيه على خدوده تطوطح  
 عليه السهم يا ويلى تلوح ابوريده وگع لا جدم او وخر  
 ظلت شهربانه بس تولول على التران يا ويلى المدلل  
 طوگه يفيض او بدمه امبلل فوق الرمل تحت الشمس والحر  
 غدوا وسفه بني هاشم مطاعين جميع اموحشه منها الصواوين  
 ولا ناصر بگه منهم وي احسين بس عباس والجاسم والاكبر

## في شجاعة العباس «ع»

ابو فاضل تلوح فوك الاشكر  
 ليث وهاج من شيبه امعفر  
 نزله عباس يتمرضع بلحسين يحب ايده او جدم رجليه والعين

تسايل بالمدامع على الخدين  
صاح احسين يا خويه يعباس  
ينور العين يا تاجي على الراس  
اشلون تروح وآنه ابكّه امير  
يخويه نحلت سكنه اعظامي  
اريد الثار كجلي دوم ايفور  
دخليني اريد الحكك عمامي  
يكله اوداعة الله يا عيوني  
ركب وارزم واكلهم تعرفوني  
تشعشع بالحرب عنده الحرب عيد  
يحسب السيف مبسم والنبيل عيد  
عروس الحرب والعباس عريس  
نكس ورعب اكلوب المداليس  
شمر فوگها او خلا المداريع  
تهاوت وخلصت بين المشايخ  
كلب يمنه الحرب من فوق يسراه  
لوه الجنحين فوگك الكلب ولواه  
حرب عباس من صحه او يعرفه  
او بيده الصرع والگربه ابجته  
يحاچي للنفس يا نفسي تهونين  
لما حن او بچه احسين او تحسر  
ينور العين يا تاجي على الراس  
اشلون تروح وآنه ابكّه امير  
يخويه نحلت سكنه اعظامي  
اريد الثار كجلي دوم ايفور  
ديتكم اوحيدي تخلوني  
طليعة حيدر الليث المشكر  
سم ابصاجعه اوطاحت من ارعيد  
تقاوع او عج الخيل عنبر  
ايتبختر بين زفاة ملايس  
اوظفحها كفو نعمين واكثر  
ما تعرف رسنها امن المصاريع  
تخف ارواحها من الموت الاحمر  
او يسره الحرب ذبها فوگك يمناه  
عليهن والعزير الروح من فر  
بيده السيف والبيرغ ابجته  
مترهي تلوح على العسكر  
كل للناس تغدي فدوة احسين

الف وسفه يخويه مالك امين تظل بعدي يبو سكينه محير  
ابو فاضل ولي الشاطي او حدر

او چيده من لبيب العطش فطر

خاض الماي بس هيس ابرده ترس چفه وپروي عطش چيده  
تذكر لن اخوه احسين بعده ذب الماي من چفه او تحسر  
هذا الماي يجري بيطنون حيات وضوگه گبل اخويه احسين هيات  
اظن طفله يويلي من العطش مات وظن موتي گرب والعر گصر  
شلون اشرب وخويه احسين عطشان وسكينه والحرم واطفال رضعان  
وظن گلب العليل التهاب نيران يريت الماي بعده لاجله اوامر  
همته بس يوصل الماي احسين لا گامن او گعدن الجفین  
همته اطفال موته بالصواوين عطاشه اگلوبهم تلهب من الحر

طاح امين ابو فاضل والایسر

خطف جوده ابجاگه اوللخيم فر

اجاه السهم للگره او فراها وگف بيچي وسكنه مانساها  
مواعدها على اميه لحشاها او منها يستحي للخيم يسدر  
سمع حسه الحسين اوركب وارزم غار على العده من باب الخيم  
رد يه او شافه سابح ابدم تخوصر فوق راسه والدمع خر  
حط راسه بحضنه اوراد الوداع شاله او تره عباس بالگاع



رد احسين راسه بگلب مرتاع  
 يخويه العلم گلي وين اوديه  
 حنا فوگه يشمه واشبيج ايلديه  
 يخويه انكسر ظهري اولا گدر آگوم  
 يخويه استوحدوني عگبک الگوم  
 يخويه امنين اجنتي هالرميه  
 يخويه اسا عدوي شمت بيه  
 راد احسين شيله للصواوين  
 يگله اشرادتك ياخوي يحسين  
 يگله ليش بازهره زماني  
 يگله واعدت سکنه تراني  
 يخويه اشلون اشوفنها ايبا عين  
 دخليني اموت اهنا يحسين  
 گام احسين بيجي للصواوين  
 خاف انهن ينگدن على احسين  
 اويلي تلگته تبجي اسکينه  
 شرب ماي او نسانه ما نسينه  
 خرت دمه احسين او تنحب  
 ابشاطي العلگمي عمج امرب  
 شاله اردود للتربان والحر  
 بنور العين دربي بيش اجديه  
 عليه او صاح خويه الله واكبر  
 صرت مركز يخويه الكل المهموم  
 اولا واحد عليه بعد بنغر  
 يخوبه اسا وگع بيتي عليه  
 وشوفنك يبو فاضل امطبر  
 انقبه عباس لحسين اوزرگك عين  
 يگله ارد شيلنك وأسدر  
 يخويه حسين خليني بمچاني  
 ابماي واستحي منها من اسدر  
 لو اجنتي او گالتي الوعد وين  
 يخويه المستحه من شيمه الحر  
 ينشف دمهته عن النساءين  
 ايگله عليمن هالدمع خر  
 تگله عمي العباس وينه  
 العطش واگلوبنه تلهب امن الحر  
 او گالها او نار القاب يلهب  
 گضه فرت تصيح الله واكبر



## في محاربة علي الاكبر «ع» وشهادته

شل اطرادها ابن احسين الاكبر

او خلى الخيل بالهامات تعثر

امصيت هلهلت له الخيل لولاح عليها اوصفكت له اطراف الارماح

لورگصت له السيوف ابراس الافراح او فوق الطوس كله ضرب الاكبر

من هاشم امنيب موش ملفوف ابوه احسين بالميدان موصوف

اوجده حيدر الكرار معروف او عمه الحسن والعباس الازهر

اهتز ابغيرة الله وافرع الراس تهارق بالدرع والسيف والطاس

ابسيفه الشعشعاني المرهب الناس او بالخيل الطلائع ضيق البر

اشچم حران من غدارته نس مهو ابن حسين ضرب له وبس

ابرمحه اشچم عجيد اصباح لبس او خله ابجاجمها تعثر

تموج الخيل من يجبل عليها چن الخيل ابو الحسنين بيها

ذب هذا ورا او هذا لديها مساميها اورمحه يلحق الفر

شباب ولا يهاب الموت طفاح يسرج عالي طويل الظهر نفاح

ارضه السياف واطا شرط الارماح اورد يلوج بلسانه او يفغر

مض العطش بان احسين الاكبر

اورد يلوج بلسانه او يفغر

يصبح اصوات فت گلي اوشعبي بيوي گوم ليه العطش ضربي

يبوي درعي او طاسي بهضني      يبوي اونشفت ارياجي من الحر  
 يبويه شربة اميه الجبدي      انگوى ورد للميدان وحدي  
 يبوي انفطر گلي وحق جدي      العطش والشمس والميدان والحر  
 يگله امنين اجيب الماي يا ابني      مهو حچيك بهض حيلي اوشعيني  
 اوفت روحي اوحمس چبدي اوسليني      يبوي استخلف الله العمر واصبر  
 يگله والدمع يچري امن العين      يبعدي او بعد كل الناس يحسين  
 نگلي اصبر او گلي صار نصفين      اشلون اصبر يبوي والصبر مر  
 حن حسين ويلي اوسال دمه      حنا ظهره يبوي او كسر ضلعه  
 دار اريده على اطراگه يودعه      يشمه والعيون تسيل محمر

تسايل بالدمع لوداع الاكبر

يگلي ذوب لوداعه اوتفطر

يويلي من تلاگوا عند الوداع      امشاج طول لمن هوو للاكع  
 لاع الابن لابنه والابو لاع      عل ابنه يويلي اوداع الاكشر  
 يشم احسين خد ابنه او يحبه      اودمه مثل دمع ابنه يصبه  
 النار البگل ب ابنه ابگل به      يخفيها على ابنه او نوب تظهر  
 يكلمه والدمع با لعين دفاق      ابعبه امكسره وبقلب خفاق  
 يبويه اوداعة الله هذا الفراق      يبويه اشبديه هذا المکدر  
 يبويه للسيف أسدر والزان      اولوح ابغاره وشاش الميدان

يبويه اليوم مرواحك للجنان او بالكوثر يبويه اليوم تعطر  
 تحسر ويل كلابي او جذب ونه او من الماي آه انظكع ظنه  
 عرف لن المنيه دنت منه خر دمه او للميدان سدر

شبل احسين للميدان سدر

او خلى الخيل بالهامات تعثر

سدر والكون شايح زان واسيوف نشاب اونبل وارماج واحتوف  
 ما والله رجف قلبه من الخوف ولا وجه من اشراكه تغير  
 رد اسيوفها والنبل والزان حطيه والكروم او جره نسوان  
 شبل طاوي اونفج من شيب غيلان اوشاف الغنم بالمران تشتت  
 هن غدارته اوذب العمامه نشر راسه اسم الله اعلى النشامه  
 خر اكلوبها او شرك الهامه اولف راياتها والسرب نشر  
 روط زانته والموت بيها اوصاح ارگابها او حوم عليها  
 يا مبعد اهاليها عليها وين اتفر او طير الموت يفتر  
 عكب ما شرك الهامات والطاس اجته ضربة العبدي على الراس  
 ضعف وتواردوا بسيوفها الناس شبك علمهر وبلي والمهر فر

علي ابن حسين يا كلابي تفطر

شبك علمهر وبلي والمهر فر

شبك علمهر لباله يوديه لبوا احسين عن القوم يحميه



اويلي المهر للعدوان فر بيه ووجب آه بموسط العسكر  
 داروا بالسيوف عليه والزان مثل جنال سبع المات فرحان  
 عسى ابعيد البله وليته العدوان ارذال او بالمعايب دوم تفخر  
 هذا يقطع ابيسيفه وریده او هذا باختناجر فصل ايده  
 وهذا يخط رمحه الحديده البخاصرته وهو بمالج او يفخر  
 شكل بيه الطبر وتلوج روحه او محد عرف غير الله اجروجه  
 دماياته على احصانه سفوحه لما خر ابهناديها اموذر  
 نده يا حسين هذا الساع جدي سگاني الماي واروه عطش جبدي  
 يگول اسرع تراك اليوم عندي اجاه ايصيح يبني الله واكبر

اويلي احسين صاح الله واكبر

بوي ليش ها لنومه ابها الحر

كعد عنده اوشافه مغمض العين ابدمه ساج امرب الخدين  
 متواصل طبر والرأس نصفين حنا ظهره على ابنه او تحسر  
 يبويه كول منهو الشرك راسك ينور العين من خمد انفاسك  
 يعگلي من نهب درعك وطاسك يروحي اشلون اشوفنك مطبر  
 يبويه من عدل راسك ورجليك او من غمض عيونك وسبل ايديك  
 ينور العين كل سيف الوصل ليك كقطع كلبي او لعند إحشاي سدر  
 يبويه من سمع يمك وينتك او من شبحت لعند الموت عينك



للعشرين ما وصلن اسنينك او حاواني عليك الدهر الأكشر  
 اريد امسح اجر وحك وشم خدك وحط صدري على صدرك واشمك  
 يبويه شرف لا جن حرم جدك وحت زينب تصيح الله وأكبر  
 اجت زينب تصيح الله واكبر

يعمه ليش ها لنومه ابها الحر

هوت فوگه تشم خده او تحبه او تطبگك طبرة الراس او تعصبه  
 او تسفر زيچ ثوبه او تجس گلبه لگت دمه من افواده يفور  
 يويلي ولولت واحنت ظهرها تخمش اخدودها او تلجج شعرها  
 او تدگك ابراسها وتلطم صدرها او تنعى ابصوت طر گلب الصخر طر  
 يشمس الكيفض يليلهب ووجهها بيدر التم يلمظني سرجها  
 يسم الخيل يلمجثر مرجها اشلون امن السرج تنشلع ونخر  
 ينجم اسهيل يلحامي الشرايع يا جرناس يمعذب البراجع  
 يشيل الموت يمكدر الكلايع اشلون امسيت للنشاب مكور  
 ردها احسين للصيوان بالهم وشاف الخيل دارت على المخيم  
 ولن ابن الحسن جسام مرزم يصيح ابصوت عالي الله وكبر

طلع جاسم يصيح الله واكبر

درخصني يعمي ما اكدر اصبر

## في شجاعة وشهادة القاسم «ع»

بس شافه شبك فوگه او تباچوا      اختنگوا بالبواجي او مانحاجوا  
 لمن غابت الروح او تناجوا      على التربان وبلي والوكت حر  
 لما بدت الروح ابعمه الأبيه      طلب جسام رخصه او ما يخليه  
 وگف وبلي يجب ايده اورجليه      درخصني يعمي ما اقدر اصبر  
 يكله ابكه لبن عمك تباريه      عليل او ما بکه غير النفس بيه  
 يعمي اخلافنه بلچن تسليه      وظن هيهات يتسلي ويستمر  
 يكله اسدر يعمي للصواوين      منكلک راد ليها جذب يحسين  
 ارد عنك دعلمني ابيا عين      اشوفك على الرمضه امطبر  
 يكله کمر يبني يشعشاع      يعمي اوداعة الله هذا الوداع  
 ركب ورزم وذبها موش مرتاع      شهاب او يخرج الطاغي من اينر

عرض للحرب جسام واشهر

شهاب او يخرج الطاغي من اينر

جر السيف والزانه نكثها      او طمخ على الملزومه اوفرثها  
 جثث بالروس والروس ابجثثها      اسم الله عليه خللاها تعثر  
 تبردك فوق مهره وكام يومي      او كال الزانته على الخيل حومي  
 رفها او كال للرايات كومي      عن دربي او صيري اتياه بالبر  
 ينزمر عين الطليع او كال ثجل      ابظلمة المذهب واج مشعل

من يلمح شعاع الصيف يثول حمام او من يشوف الطير يضحرك  
 من يدنه او عزرائيل بيده غيث ابصوا عجبها رعيده  
 كانواص او تلوخ على الصيده ابظهره اشكر شمر فرسه امسفر  
 انكص اشراك نعله او كام يلويه والازدي اجاه والسيف مخفيه  
 ضرب راسه او جامم ما درى بيه خر او صاح يا عمي المشكر

على ابن الحسن يا كلي تظطر

خر او صاح يا عمي المشكر

بس ما سمع شرعت بيه چتل چتال جسم او سدر ليه  
 لگاه ايعالج او يبيحث ابرجليه يلوج ابروحه اودمه ينفور  
 بچه او ناداه يا جامم اشبيدي يريت السيف كبلك حز وريدي  
 هان الكم تخلوني وحيدي على اخيمي يعمي الخيل تفتقر  
 يعمي اشگالت من الطبر روحك يجاسم ما تراويني اجر وحوك  
 لون ابكي يعمي چنت انوحك ابكلب مثل الغضه وبدمع محمر  
 حط احسين صدره ابصدر جسم شبگك فوگه او شاله اليم الخيام  
 صدره ابصدر عمه ارخط بالجدام بالتربان واحسين ايتعثر  
 جابه او مدده ما بين اخوته بچه عدهم يوبلي وهم موته  
 بس ما سمعن النسوان صوته اجت سكنه تصيح الله واكبر

اجت سكنه تصيح الله واكبر



يجاسم ليش ها لنومه ابها الحر

عسى ابعيد البله خدك على الكعاع  
جاسم بين عمي لون تنباغ  
عسا هي ابركبتك كل اخطيه  
يا جسام عرس اگشر عليه  
امبارك بين سبعين الف جابوك  
عن الحنه ابدم الراس حنوك  
يجاسم ريت ها لطبرات بيه  
صدگك رايح يجاسم هاي هيه  
اجت زينب اودمع العين غدران  
گومن جاي نلطم على الشبان  
على الشبان يا گايي تمطر

تهاووا مثل مهوه النجم من خر

فرن او وحده تندب ولدها  
او وحده للولي تهمش انجدها  
يا شبان ينجوم المخيم  
بالله يا هوى الغربي تنسم  
او وحده تندب اخوتها او سعدها  
او وحده تصيح يا عمي المشكر  
بيدور اشركت وبلي لبحر دم  
بلجي امنوخ عنهم جمرة الحر  
بالررررررر لا تنكل التران

تراهي اتبث من الشباب والزان لا تعصف تهز الزان وتضر  
 غدبتو طبگك يا شبان واحسين ظل اوحيد بس ايدير بالعين  
 لمن شاف روحه ماله امين اوشاف الخيل على الصيوان تفت  
 لكف صلب العرج ملمس الحديد روطها اودعاها اعجود بيده  
 خاض الموت چن الموت عيده عبوس اومن يشوف الحرب يستر

## في مبارزة الحسين «ع»

لش الموت الأحمر راغ وصفر  
 اثارى احسين بالميدان يفت  
 حليف السيف والبيرغ وليفه  
 اشچم حران مدرع بس رحيفه  
 من يگحم على الليث ابعرينه  
 من يركه على امتونه او يهينه  
 دگك بالكعاع رجله اوغدت ظلمه  
 امروج ينضج الكثرين سمه  
 اويلى من وگف دون الخواتين  
 طلع زين العباد من الصواوين  
 يگوم ابشيمته اوللمرض يعتر

اويلى على العليل الطلع مصفر

عليل او مثل صل الرمل مصفر

يصيح ابصوت تجري بيه كل عين      يعمه اسلاح اجاهد دون الحسين  
 يعمه عكب ابوي او جوهنه وين      وام كلثوم من بعده تعثر  
 اهننا يبني تكله دسدر اردود      ترى گلبي يعمه خزن اجبود  
 اشوفك يابن اخويه اولوعتي ازود      او نار حسين بين احشاي تسعر  
 صاح احسين يا ام كلثوم وديه      يخويه ابني شعب گلبي درديه  
 مهو وروحي ابهذا السيف لأفديه      نور العين والفرگاه مگدر  
 يبويه انت الولي للناس بعدي      يبوي انت للبيدك حكم جدي  
 يبوي ابشوفتك فتيت چبدي      سدر ودموعه بعينه تغرغر  
 رده احسين للخيمه او عينه      تسح ادموعها او ينده اسكينه  
 يبويه ابن ابوج الطفل وينه      اودعه او عبرته ابصدره تكسر

## في حمل الحسين الرضيع «ع»

طفل احسين ظامى والوكت حر

اويلي. من العطش چبده تفطر

تگله الطفل راح اللون عنه      يبويه ما بگت بالطفل ونه  
 جف دمه او جف اللبن عنه      او ظل ايلوج بلسانه او ينغر  
 يبويه ما ابعيني دمع واسجيه      يرضى الموت بيه اساع لفديه  
 يبويه شوف حي ساوى العطش بيه      يبويه من العش چبده تفطر  
 گامت شالته او جت الوليها      فك اعوينته او يبجر عليها



تخل جايبه اميه بديها شاله احسين ودموعه تنثر  
گامت تستدير اعيون طفله شبح عينه لبوه وعين لاله  
آيس شاف اميه ما حصله رد غمض اعويناته واسكر  
شمه او حبه ابصدره او خده چبد احسين يابس مثل چبده  
يبويه ما بعد للعيش رده اهو ايجاسيه اولن سهم المگدر  
طاح الطفل للگاع او تعفر

او دمه مثل ماي العين فجر

تلاگه احسين دم الطفل بيده اشحال الينچتل اجضنه وايده  
سال او ترس چفه من وريده اوزبه لاسما للگاع ما خر  
اوبلي من لفت مكنه تنادي يبويه العطش ها لفتت افوادي  
صدت لن اخوها الطفل غادي يلوح رگبته اودمه يفور  
يبويه ذاب چبدي او چبده امه دخليبي اودعنه وشمه  
يبويه ليش ما تسجيه دمه بلجن چبده تبرد امن الحر  
يخويه عون من حبك او شمك يخويه هون من راواك ملك  
اغسلنك يخويه ابفيض دمك او گبرك بالگلب ياخويه لجر  
گام احسين يمشي يم الانصار وگف يمهم او چبده من العطش نار  
نده عباس خويه والدمع فار يخويه گوم لينه الساع واحضر  
ابو فاضل دگوم اساع وحضر

اوشوف الخيل عا لصيوان تفر

يخويه ليش ها لنومه الطويله يخويه الطفل عگبك طال ليله  
يخويه ما چنت تسمع عويله يلوج امن العطش لمن گضه اوخر

يخويه أبيت سكنه من الماي  
 يخويه من العطش رادت تجي وبياي  
 يخويه مادرت لنك رميه  
 يخويه امنين اجت ليك المنيه  
 يخويه ليش ها لساعه عفتني  
 مهو افراگك شعب گلي اوفتني  
 ردوا اعياله من العطش يومن  
 مثل سرب الكطه گامن بحومن  
 تخويه ذليله او توجب احذاي  
 او تگلاک وين وعدك يا مشكر  
 وهي برجواک تسجیها امیه  
 او تگضي بالعشطن والسيف والحر  
 غبت عني يخويه او ضيعتني  
 او نارك بالکلب ياخوي تسعر  
 او صاح ابصوت للتوديع گومن  
 تطيح اعليه وحدتهن او تعثر

على وداع الحسين الكلب محتر

بگلي ذوب اوداعه او تقطر

اجت زينب او باجي الحرم يمه  
 يشم سكنه وهي گامت تشمه  
 يبويه ايطول من بعدي ونينچ  
 يبويه لا تشوفيني بعينچ  
 صد الباجي اعياله ابعينه  
 عسن للغاضريه لا لفينه  
 اجت زينب يوصيها بالعيال  
 شاف الدمع فوگك اخدودها سال  
 گام يهون افراگه عليها  
 عكب ما جاب كل الصبر ليها  
 او صارن للوداع عليه له  
 يحبها والدمع ليلو ايتنثر  
 او مثل النيب چن اسمع حنينچ  
 اخافن ينحطف لونچ او يصفر  
 بچن عنده اونادن يا وليمه  
 اولاً بيتنه يوالبينه تحير  
 يوصيها ابعيله او كل الاطفال  
 تكله على افراگك مكدر اصبر  
 او بين بعد عين ليها  
 ركب غوجه وللميدان صدر

ليش الموت الاحمر راغ وصفر

اثاري احسين للميدان سدر

سدر واعلن اجد السيف ناره او لعنان السمه ثور شراره  
 نخله الليث ما يندل فراره يفر ويحييه موت امين ما فر  
 تفر اگرومها او يحطم عليها يحوم ليها او يحوم الموت بيها  
 اشجم حران ذبه عند ادبها اوخله الخيل بالهامات تعثر  
 فل اجموعها اولف الروايه ابسيف رضع من ثدى المنايه  
 شك الزلم والخيل السبايه جدمها اوزب الازرك فوك الاحر  
 صك الخيل اودعى الخيل طشار ابسيفه للدرع والطاس فزار  
 رد العود سوى الصار ما صار او چبده امن العطش ويلى تفر  
 دار العسكر على احسين يا حيف ناس با لرماح او ناس با لسيف  
 يشبه دورها على الليث المخيف بياض العين بصبيها ايتدور  
 دار العسكر اعلى حسين او فتر

او صار اشبيح للشباب مكور

تلكه انبالها احسين ابوريده نوب بالصلوع او نوب بيده  
 تلايم غيمها واثجل رعيده او بالزانات فوگك احسين يطر  
 ثكل ما يندره ابنشابها امين يجيه اوزانها يخطف على احسين  
 سهم بيده او سهم بحاجب العين يويلى واغرقت روحه امن الحر  
 صار اشبيح بيه امن المنيه الف نبله يويلى او تسع ميه  
 وكف تبة نبل با لغاضريه او زور ارماع شابج عيب ينظر  
 او جب يستريح احسين ساعه ضعف حيله او ثكل بالسيف باعه  
 رن الحجر من وجه بشعاعه اودمه مثل ماي العين فجر



شال احسين ثوبه يمسح الدم اولن سهم المحدث ناجع ابسم  
ايكله وكع لا وخر وجدم هوه واظلم هواه والسما احمر  
ليش اظلم هواها والسما احمر

اثاري احسين من فوك المهر خر

يا ارضنا اليوم ميدي اوياسما مور او بعد احسين يا ماي البحر غور  
يا كلبي دذوب او يادمع فور او جبدي على افراكه تظطر  
هو والمهر كام ايجوم دونه يحامي عن وليه من يجونه  
خاف الكوم اهم ياخذونه ايركبه غير خياله المشكز  
عكب ما آيس الطلاح منه رد روعه اوراح الخوف عنه  
سهل واعول اوحن او جذب ونه سحب صرعه اولعند احسين سدر  
اجنح فوك راعيه او شمه او صار اظلال دون الشمس يه  
مرغ وجهه او ناصيته ابدمه او ناده يا لظليمه اوللخيم فر  
بچت سكته اونادت بالمذله يعمه المهر حط بالكلب عله  
طلعت صارخه زينب تكله يمهر احسين وين احسينه خر

يمهر احسين وين احسينه خر

مالك روعت كلبي يمكدر

يمهر احسين وين احسين كلبي اشوفك جيتني تصهل ابذلي  
اخلاف احسين كلي وين اولي او مالك روعت كلبي يمكدر  
يمهر احسين كلي عن وليي بعد فيه يخايب ن افي  
اشجم اصواب كلي ابكلب اخيي او من يا جرح دمه ايفور اكثر  
اهنا كلي بصير اعلاج احسين فت كلبي وذر جرح الكلب زين

ونكط فوك جرحه ابدمة العين  
 كام ايهمش اصفاحه ابعاذه  
 وباب الخيم رجليه ثنه  
 فرن يمه ايجلين اجروجه  
 لمكنه ايلوج ويعالج ابروجه  
 بلجي اصواب اخويه احسين يخلد  
 يدك لكاع رجله او يجرونه  
 دك راسه او سالت دمعته او محر  
 ابكلب خافج او عبره سفوحه  
 يون وضواب كلبه دم يفور

اجت زينب تصيح الله وكبر

يخويه ليش ها لنومه ابها الحر

يخت زينب او نادت يا ولي  
 يخويه الصبر من بعدك امعيبي  
 يخويه من ضرب راسك ابسيفه  
 او ماخله ابروحك بس طريقه  
 يخويه من سمعت المهر يصهل  
 اصد لن المهر محرب او معول  
 على مصابك احرم لذة العيش  
 يخويه اصواب كلمن مات بالريش  
 على امصابك لجيمن دوم نوحى  
 امصابك يا عيوني شعب روحى  
 تصيح ابصوتها يحسين وينك  
 يخويه ذاب كلبي من وينك  
 فك عينه اوزركها اوشبح ليها  
 لمن صدت لعد دمة وليها  
 ينور العين يا عكلي او اخي  
 علي او نار فكدك دوم تسعر  
 طعن كلبك ابرمحه واخذ حيفه  
 خفيه او شافها الموت المكدر  
 تخيلتك ايجود الماي مجبل  
 جالب عدته والسرج يصفر  
 بعد فكدك يخويه احسين ما عيش  
 او جرحك بالكلب يحسين يسعر  
 يعيني بالدموع اليوم طيحي  
 لونه بالصخر ذاب او تفسر  
 يخويه جاوب او صدي ابعينك  
 يخويه موش كلبي صخر مرمر  
 او حن او خرت ادموعه عليها  
 ليلو فوكك جرحه يجلب احمر



فك احسين عينه والدمع خر

لياو فوك جرحه يجلب احمر

ناداها ابضعيف الصوت يختي  
 ينور العين خليني امهجتي  
 يمت عنده اوصاحت ليه - يعكلي  
 يخويه احسين شتهيس دكلي  
 يكلها اصواب البوجهي ضهدني  
 ولبضاعي بهض حيلي وضهدني  
 يخويه يابس امن العطش جبدي  
 يخويه والشمس احركت خدي  
 يخويه ما احب سكنه تجيني  
 مالي كلب اشوفها ابعيني  
 يخويه لا تلوعي الكلب بالله  
 يخويه من بعد عيني الحكم الله  
 يحاچيها او تصب عينه ادموعه  
 غمض عينه اوصارت بيه موعه  
 تشم احسين وتجلب ابجرحه  
 كومي يو اذبحج فوك ذبحه  
 بالله يا شمر عنه دوخر

اذبحني اوخل اخويه احسين وسدر

تكلاه يا شمر بالله دخليه او ما شافه او من الطبرات يبربه



تشوفه ايلوج ما غير النفس بيه  
دكلي يا كتر خالي امن الجروح  
طبره فوك طبره تشعب الروح  
يخايب خلي اخويه احسين ساعه  
مهو شمامة الحلوه اطباعه  
يخويه بيش اضمك وين اوديك  
تراني اتخبرت يا مهجتي بيك  
هوت يمه تشم كسر البضلعه  
غايب روحه او فزت تودعه  
او عينه نوب يشبحها او تغمر  
تخط سيفك يخايب والدمه ايفوح  
يشوغ الكلب من عدها او يفغر  
اغمضله ومد للموت باعه  
دخلي ابراح روح احسين تظهر  
يخويه اشلون اصد عنك وخليك  
يخويه بيش اظلك من الحر  
اخوي الما طبع يشبه الطبعه  
اولن راسه ابراس الرمح مزهر

راس احسين فوگك الرمح يسفر

مثل البدر بالظلمه ينور

لمن شافته صفگت بدبها  
ما تنلام من شافت وليها  
سالت عينها بدموعها اعليه  
خفگك ويبي واومت اعليه  
يسور المرمر الماله مصاعيد  
يطير السعد يا معذب الصياييد  
عس ابعيد البلا راسك امعگك  
او گلب اختك يخويه اساع خفك  
او يبي اتلاگفوا راسك بالرمح  
ومصوت عدونا بالغنى صاح  
او شگت ثوبها ويبي عليها  
فوگك الرمح راسه ايلوج بالبر  
او شالت راسها او تلفتت ليه  
او صاحت باچيه ابصوت امذعر  
يصل الرهل يمنفر العراييد  
حاطت بيه فوگك الرمح وكر  
يخويه او جثتك بكيفوه سملك  
اوطار واحام عد راسك او فرفر  
او شيبك آه تلعب بيه الارياح  
ابدلتنه امكيف او لنصر مستر

يا شيال راس احسين ريض جيم ابراس اخي لا تعرض  
شوف الدمع من عيني يفيض او نار الكلب لفراگه تسعر

يا شيال راس احسين گصر

تری گلي على افراگه تفطر

يا شيال راس حاميته اولينه ريض خلي اتودعه اسكينه  
ليش احسين ساچت عن وزينه گلي تعب يو جرحه تخدر

يا شيال راسه لا تلوحه او هبط عن بگايا الروس رحه

اخاف يقوت ربح الهوى ابجرحه واصوابه عليه ايگوم يسعر

يا شيال راس احسين سدره رده الجثته او وسده ابگبره

يخايب شفت هاذي گبل تجره ابگفره جثته اوراسه امسير

يا شيال نعشه لا توجهه اخافن تلچم جرح البضله

دريض لي ارید اما اودعه او هذا افراگنا ما بعد مسدر

يا شيال نعش المات مظلوم على الشاطي او عن الماي محروم

تخوم گلوبنه فوگك النعش حوم اخويه الطاح مثل النجم من خر

يا شيال نعش احسين بهداي او بالله دحط تابوته على الماي

اريد اوگف وغسلنه ايمناي وشوف اصواب گلبه ما تغير

رفع بعنادها راسه او شاله او خيب زينب او يتم اطفاله

بسا شاله او شافوا اعياله اجت سكنه تصيح الله واكبر

اجت سكنه تصيح الله واكبر

يبويه ليش ها لنومه ابها الحر

تصبح ابصوت يفجع من يسمعه تفت گلبه ويرض صدره او ضلعه

يفيض كل عدو اعليه دمعه      يبويه ليش ها لنومه ابها لحر  
 يبويه ليش ما تنغر عليه      مني سكنه العزيزه الفاطميه  
 يبويه اساعدوي شمت بيه      ذليله ايشوفني ما بين عسكر  
 يبويه ازوح كل احنه فداياك      اخذني للكبر يحسين وياك  
 اهي غيبه واكعد اتناك      وگولن سافر او يومن يسدر  
 يبويه اللي وگع من بين اديه      چتل عطشان ما تشرب ميه  
 يبويه ريت ها لنومه هنيه      او من بعد ريت الناس تشهر  
 على امصابك يبويه لصب دمعي      وخلي اعليك انوح الليل طبعي  
 لحرم ما يجيس الكاع ضلعي      ولا گلبي بعد فرگاك يستر  
 يبويه گول لا تخني عليه      هذي روحتك يو بعد جيه  
 يبويه انجان رابح هاي هيه      اخذني اوباك عنك مگدر اصبر  
 يبويه من شفت مهرك لگاني      ذاب الكلب وانخطف الواني  
 يبويه ايعود لي بيكم زماني      وشوف الدهر بيكم يرد يزهر  
 يبويه باد حيلي وحتك جدك      عسن للكاع خدي دون خدك  
 يبويه شال راس الدين بعدك      والدنيا اظلمت والكون مغبر  
 پحت زينب او صدت للمدينه      يهلنا احسينكم گطعو ونينه  
 اشو نومتمك صارت سنينه      دگوموا يال هاشم والهضم مر

دگوموا يال هاشم والهضم مر

شوفوا حسين على الشاطي امطبر

تناديهم او حادي الظعن طوح      تگلهم يا هلي والدمع يسفح  
 دخلي خيلكم بالصرع تطفح      او شوفوا احسين عا لشاطي امطبر



يهلنا احسينكم رضوا اضلوعه او شاف الموت روعه بعد روعه  
 يصد لعيناه او تسجب ادموعه يخافنها بعد عينه تيسر  
 يهلنا احسينكم ذبحوا انصاره ابو فاضل تكور بنا المعاره  
 وج ابكاب اخوه احسين ناره دمع عينه على خده تحدر  
 يهلنا احسينكم نشفت ارباگه اوراح ابنه اوهد حيله افراکه  
 او عن ورده امعوج الموت عاکه او عاجلها او دون العالگمي خر  
 يجدي کوم هذا احسين مذبوح على الشاطي او على التريان مطروح  
 يجدي ما بگت له من الطعن روح يجدي کلب اخويه احسين فطر

يجدي کلب اخوي احسين فطر

عاجلها او دون العالگمي خر

يجدي الرمح بفاده تشنه يجدي او بالوجه للسيف رنه  
 يجدي او شيبه ابدمه تحنه يجدي او بالرمل خده تعفر  
 يجدي مات محم وكف دونه اولا نغار غمضله اعيونه  
 وحيد ايعالج او منخطف لونه ولا واحد ابجلگه ماي كطر  
 يجدي مات محم مدد ايديه ولا واحد يجدي عدل رجليه  
 يعالج بالشمس محم كرب ليه يحطله اذلال يا جدي امن الحر  
 تناديبهم يهلنا ولا لفوها ولا جدھا يجاوبھا ولا ابوھا  
 حنت وانگطع ظنھا من اخوها اوشافت علمخيم صول العسکر

اويلي علمخيم صول العسکر

وجهها ابناار والدخان كبر

صال او نفج النسوان عنه نفر كل طفل مذعور منه

صار اصياحها والنوح فنه ولا واحد يذب عنها او ينغر  
 نهب ما چان با لصيوان موجود او شجل احسين ويبي صار فرهود  
 ولا خله ابخيمتهم ولا عود حر كها اول عند الخيم سدر  
 سلب ما چان على النسوان موجود بگت وحده على اخوها بروحه انجود  
 دحاها بين مطروده او مطرود تفر هذي او هذي ابذيچ تعثر  
 ابسوطه يضرب اسكينه او يردها تشگف بيدها يكسر زندها  
 تجي زينب تخلصها او يردها لما سوطه ابمن زينب تكسر  
 چم مخدره ضيع دربها او چم مذهوله روع گلبها  
 او چم مذعوره ابسوطه ضربها او تفجها الكتر الكتر بالبر

يخيدر گوم لينا اساع واحضر

اوشوف الخيل بين الخيم تفتت

لعب المرتضى واچتر اعتابه وهيلن للتراب على اعتابه  
 اندبه وانتحب واوگف بيا به وگله اليوم يومك يا غضنفر  
 لون الليث ابونه اليوم يدري اخوي احسين راسه اشلون مبري  
 لفاني او دمعتي اعلى الوجه تذري فكنا امن السبي اولا تعذر  
 يصنديد الحرب يمخيف الاسباع يشيال الحمل لو طاح بالگاع  
 اخبرك بالحرم هل راحن اضياع سبايا او بالردن ويبي تستر  
 يسلبها العدو او يشتم وليها او جابر بالضرب ويبي عليها  
 تهبط راسها او تكشف بديها بدمها يسيل للوجنات محمر

( للسيد عبد المنعم رحمه الله )

الخيل اجت وتعدت الحد واخيامننا ماहन أحد  
 دشد له على حلو المشد او حورب لغاتك يلعبد  
 لا بو فاضل هساع بگعد گله الحسين اخوك مفرد  
 ايدير عينه او ماله احد بسك على الرضا امدد  
 دگعد يبعد الخال والجد

( وله أيضاً في رثاء العباس )

يعين الطليعه يا مجدم يخواض بجر الموت لوزم  
 من شاف عج الخيل درعم وبغارب البسارح تلملم  
 او على تبة النشاب درعم نص المشرعه والريج مالگم  
 ترسها اولاح الغوج وارزم او دارت عليه الله يعلم  
 وبغير حفظ الماي ما هم شرها ابيمينه او ما تندم  
 واثى بيساره اولا انهضم فروا گربته ويلي ابسهم  
 وگف وگفة المغبون واظلم سکنه تربه ابباب الخيم  
 متدري ابعمها سبح با لدم ويلي على ابو فاضل تخدم

( للسيد عبد المنعم في حق العباس )

يحادي الظعن عباس مر بيه مالي گلب امشي وخليه  
 اخويه الشفيه واعتب اعليه او گله الظعن منهو البياربه  
 بس العليل الكيد ماذيه هذا الخفت منه طحت بيه



( وله أيضاً )

لو هلهلت ودموعها نار والشمس غابت تحت الغبار  
 ندهوا بني هاشم والانصار اوندھوا علي حيدر الكرار  
 خذونا سبايا اصغار وكبار اومن بعدكم ضگنا كل المرار

( للسيد ميرزا رحمه الله )

يا طارثي دوصل ابھمه وخذ معصي وياك زمه  
 توصل لبو جاسم وسلمه اورج الريح وانتحب يمه  
 اوكله اعلى اخوك الخيل له او عج الطراد اعليه ظلمه  
 ظامي ايجتل والمائي يمه اوحال الطفل عنده تدمه  
 قطع رگبته حرمله ابسهمه اوكله ترى زينب تحشمه  
 ظلت ابين الكفر حرمه محمد يخويه هاي هضمه

( للحاج زائر في رثاء العباس )

ردنه حيدر كربلا بيها يشوف اشلون ابوفاضل لگدها اعلى انصفوف  
 من لگدها صار خطاف النفوس ارض ماتنشافت بس منثوره روس  
 صار اهو العريس والكون العروس وهيه تنتنه او مبسوله الزلوف  
 اتبسلته ام الحرب لأجله تموج او كربله کلها من ابو فاضل تلوج  
 الشرد منع والمصوب يفوج كثر دمها او جرت وديان اللطفوف  
 اللطفوف اتسيل من سيفه المخيف غوجه چنه الحوم لچناحه رفيف  
 من ركب وانشاف صار الهم رجيف شبل حيدر بالوغه يوم امعروف  
 کلهم يعرفون الباري سلطه ويه رمشت عين عنهم ما بظه

حوم وتلوح على سرب الكظه  
 ارفوف صارت هجت من ابن الفحل  
 گام يتلهل فرح ذاك المحل  
 مطرب اعلى اسيوفها او بيهارعد  
 بيومه عزرائيل ذب كف يدوگعد  
 ارواح يخطف يشبه الداحي الباب  
 من وصلهم هدد اعبر الركاب  
 من يروف الدم وابوفاضل فزع  
 اشحال قلب احسين من حين الوقع  
 اجفوف مقطوعات والراس انفطر  
 صاح يا خويه الظهر مني انكسر  
 غبت عني وانته لي سور حديد  
 اشلون اضل عقبك يبوفاضل وحيد  
 قاله خلني ابعجاني او نتحي  
 او عدت سكنه اجماي او منه استحي

فرت ابجنحها ذبيح الرفوف  
 اوويد صار اللحم مثل دوي النحل  
 مطرب او باسم على لمع السيوف  
 شبه صعصع لم زلازها او صععد  
 اوصل بداله سيف ابوفاضل خطوف  
 او حرب ابوفاضل مثل يوم العذاب  
 اولو اسكندر ما قدر للدم يروف  
 اوسيف اله بالكون لمع لأمر لمع  
 قعد عنده اوشاف مكطوع الجفوف  
 سال دمع احسين يشبه للمطر  
 يا بدرنه اشلون غطاك الخسوف  
 يا صواجع من سمه او ذبه الرعيد  
 او جمعت كوفانها او صارت الوف  
 هذا امر الله انكتب ما ينمحي  
 الثالثه بيه نزل وحي الختوف

( وله أيضاً رحمه الله )

ريت حيدر ينتهض بر كوبه  
 اتصيح جدي شوبطه شهو للعدر  
 فوك ما نهبوا احلنه واليزر  
 من الضرب سود المتون او فر كسن

يشوف سكنه اميسره او مسلوبه  
 ما يجي ويشوفنه ابهذا اليسر  
 والبجت بمتونها مضروبه  
 والدموع اتسيل ما سالت مزن

هاي راد اذا يكوم ابن الحسن  
يلكد احصانه ايشور الحرب  
ريت درب الشام ليمره ركب  
بالدرب تنوح ما ناح الفصيل  
من يظن بالناس بت حامى الدخيل  
اتسلبن عكب الخدر و إتلوعن  
روسن فوك ارماع تبره للظهن  
تتنصب هالروسن والباري شهد  
مورچيچ احسين لا چن بالعهد  
اوفده نفسه للذي ذنبه شديد  
ابن ابو الحملات بيهم لو يريد

يلكد احصان او يحيم احروبه  
يطلب ابثارات زينب والضرپ  
من بعد ذلك السبي بدروبه  
واسم ابوها خاطبه ابعرش الجليل  
فوك ناكه اميسره او مسلوبه  
بغير والي للشمر يتودعن  
اكبال ظعن اعياله منصوبه  
حتى جبرائيل هزهم بالمهد  
افده نفسه الشيعته المذنوبه  
اوخله روحه ابكربله واجع وحيد  
چان خلاها الارض مكلوبه

( واه أيضاً رحمه الله تعالى )

چينه نشد كربلا مضيعينها  
يسروها اولاً لها واحد فزع  
چينه نشد وين ابو فاضل و كع  
بس اشوفه والتعب مني يزود  
عذره حكه ايكول مقطوع الزنود  
چينه نشد كربله اعليها انعتب  
جرمه زينب بيش مطلوبه ابذنب  
ارد انشدج كربله عن النزيل

بيها زينب كالوا اميسرينها  
شال حادي اضعونها ابساع او قطع  
ما تدلونه الشريعه وبنها  
وادري ابو فاضل على النخوه يوجد  
او حال ملج الموت بينه او بينها  
انكول هاي ارجال وتدور الغلب  
فوك چتل احسين واميسرينها  
اشلون ضمن الحرم شال ابلا دليل



انجان گتيلي يعاونها العليل بالمرض مشدوه وینه أو ينها  
 ارد انشدج خيمكه عن النزل بالله خبريني او كوالج ما نزل  
 زينب أرجب اليتامه على الهزل يو علي السجاده كام ايعينها  
 ارد انشدج هم صدك بالشام عيد حطوا ابطشت الذهب راس الشهيد  
 من مشت زينب ابديوانه يزيد جاعده يو واجفه امخيلنها

( للسيد علي بن السيد حسين في رثاء الأمير «ع» )

نوح ياناعي اودمعتك سيلها اوصيح طاح الليث حامي ادخيلها  
 طاح والدينه الفكده مظلمه أهل بيته تهل دمعتهم دمه  
 والأملاك اتنوح لأجله بالسمة اتبدل التهليل منها بالعويل  
 اتبدل التهليل منها بالعويل وبلي كلبي من وكع دمه يسيل  
 فيض المخراب دمه اوهامته فيض المخراب دمه اوهامته  
 وضجت الأملاك كلها الوكعته صاح طاح الدين ركنه وانهدم  
 من سمع صوته الحسن دمه انسجم صرخ لاجنه يشب كلبه لhib  
 او شافن شيبه بدم راسه خضيب يون و بونته الرواسي ايزيلها

( للشيخ مهدي الظالمي )

درعم العباس واطلم كونها وصاحت الفرسان طب طاعونها  
 وصحت الفرسان طب ليث الحرب وصل ليها اوضيع اعليها للدرج

كلب جنحين الحرب فوق القلب      وخله ملح الموت بين اعيونها  
 خله ملح الموت ذب كف يد كعد      وخله على البيرغ يرف طير السعد  
 انشا الله او نعمين ابن حيدر لكعد      اشحم وجم لكدمات اله اتعرفونها  
 لكد خله اجسوم منها امغفره      اوشي طعين اوشي تون امطبره  
 وكف بيها وكفته اعلى الكنطره      ذيج وكفه اوهاي ما ينسونها  
 لمم الخيل او صرخ بيها ابزل      وعمل بيهم شبل حيدر ما عمل  
 ذيج وكفه اوهاي بيه اكثر فعل      اوتيه الكوفه على اليردونها  
 تاهت ما ظل بعد بيهم رشيد      اوتار بيها اعجاجها او كبر الويد  
 اخلست من وصل بس صفق الحديد      زانته ابسابع سمه ابسمعونها  
 اخلس وانكس روايه او قطع روس      طعن طبر كنظر او شلع الشوس  
 صال فل اجموعها او شرك الطوس      او حه الثايه او فن بعد يصلونها  
 حه الثايه او خلص العسكر جتل      ظنوت الكرار بي كول او فعل  
 اتوسط الميدان يتنخذه النفل      اليوم سطوات الوصي اتشوفونها  
 اتوسط الميدان والقوم اعبتت      اورحه يلقي اكرومها وين لفت  
 وين ملفا كم واخوتي الكل كضت      والزم هسا تريد اديونها  
 من عقب ما اخذ ياس او شرب جاس      وذب صناديد الحرب شرك الطاس  
 جفوفه طاحن الف وسفه او على الراس      بالعمود ابضرب نور اعيونها  
 انضرب منهو خلافه شيال العلم      او منهو بيره اضغونها ايباري الحرم  
 او من يرد الخيل لو جت للخيم      رادت اعلى اطفالك اجر كونها

( للسيد علي في رثاء القاسم عن لسان الحسين «ع» )

كومي يزيب عمته	اونادي بني عدنان
ابنفسى اشوفن زفته	ما بين هالشبان
لازم يحضرونه اوليده	يحنونه اوكلهم يزفونه
عريس شهسي نومته	متناسب النومه
كومن نلف علامته	وانلبسه اهدومه
او ننصبه الحوفه وانحنى	اجفوفه والحنه مديوفه
كامن طبك كلهن واجن	والحوفه نصبنها
اورمله اورباب ايهلهن	واشمعته علكنها
ردن لفن يمه او صارن	عليه لمه لن سابح ابدمه
دارن عليه يتصارخن	كلهن فرد نوحه
واعيونهن يتهاملن	وايغسلن اجروجه
كامن يندبنه دكعد	يا لحنه ليش ابعدت عنه
نايم يجاسم على الثره	ابعيد البله مطروح
اخذودك ويلي امعفره	اودمك غده مسفوح
محروم يا جاسم زهرة بني هاشم	ابجر الشمس نايم

( وله أيضاً حدي للقاسم )

شهنه يجاسم نومتك	ابنفسى اشوفن زفتك
عمك تولف العرس	وامر او نصبوا حوفتك
حنوا اسكينه بالفرح	او عباس ولف حنتك



اورمله تهلهل بالخيم وطلعت تهلهل عمك  
 لاجن اشبيدي على الكندر حنتك من دم هامتك  
 واملبسك رمى النبل او شج المواضي خوفتك

( للسيد خضر الفزويني سؤال بنت مسلم لعمها الحسين وجوابه اليها )

يعمي اعلى ابوي ارد انشدك سوافلي عنه اليوم عندك  
 اشوفن خبر منه مضهدك مجتول چنه وحگك جدك  
 لمن سمعها جذب ونه او كاللها جاني الخبر عنه  
 مجتول با لكوفه المجنه او كطعت الرجه وآيست منه

( وله أيضاً في رثاء الأنصار )

من صلوا بالطف الانصار غدت ضغبره أوعج الرمك ثار  
 او كلبوا اليمنه فوك اليسار يحامون عن مهجة المختار  
 او بنات الفحل حيدر الكرار كلهم تفانوا دون الاحرار  
 او تم ابو اليمه او حيد مختار عليهم وكف دمه دم فار  
 ناداهم او كلبه للتهب نار يكرام انهضوا كوموا يطهار  
 تميت وحدي ابين كفار او ما تم إلي ناصر اونغار

( وله أيضاً للقاسم «ع» )

شبل الحسن جاسم شمشها للخوفه من طبها او ردمها  
 شتت رواياها او حزمها الكوفه او جبايلها عدمها  
 او جسم مناياها او حتمها عليها او بالمذهب حطمها  
 اوروه الارض من فيض دمها او خله الوحش تنهب لحمها

اولوله الكدر خلص زلمها لا چنه خر خرت نجمها

( للسيد علي في رثاء الامير «ع» )

يفخر الهواشم بالمهذب يكرار يملكاك يصعب  
منهو النهض غيرك المرهب جندله او عن سلبه تجنب  
او ياهو للذي اير العلم طب ما رجف كلبه او لا ترعب  
ابعيد البله قالوا امصوب او شيبك ابدم راسك تخضب

( وله أيضاً في رثاء الزهراء «ع» )

يا فارس بدر وحنين ويوم الوغه فتاك  
تصبر يا علي جمدوب صبرك عجب الاملاك  
صبرك عجب المخلوك واملاك السمه كلها  
وامصيبتك يا كرار ما من نبي اليجملها  
من جال الرجس للدار ونيته ابنار يشعلها  
ما هابك يبو الحسين وانته المحد اليدناك  
من يدناك يا بو احسين وانته الطيعة الجن  
لا چن العجب تصبر او تسمع بالزجيه اتون  
ابن الباب والحايط عصرها واسكطت محسن  
اورض الملوغها الطاغى اوروعها ولا رعاك  
روع بضعت الهادي ابصدرها نبت البسمار  
من عكب للفعل هذه تعد او طب لعند الدار

كادك بالحبل يا حيف وانته حيدر الكرار  
تندب حمزه يو جعفر ما منهم لفة يحاك  
ما منهم لفاك امعين بس ام الحسن واحسين  
لا چن طلعت ايبا حال اتنادي او تهل العين  
خلوا عن ابن عمي لفرع واكلب الكونين  
رد العبد يضربها يريت اتشوفها عيناك  
ريت اتشوفها عيناك او ضلع ام الحسن مكسور  
واجنين السكط بالباب والدم من صدرها ايفور  
او من طلعت وراك اتصبح خلوه والدمع منثور  
ما ردت تحميها للمسجد لفت وياك  
للمسجد لفت تنحب يويلي والدمع محمر  
ما ردت لعند الدار اله. او ياك نا حيدر  
ظلت من بعد هذه كلبها ابناار يتوجر  
لمن كضت مظلومه من ظلم السده من اعداك  
ظلموا يا علي الزهره لما ماتت ابغصتها  
او حين الى المغسل شفت اصواب جثتها  
كمت تنحب يبو الحسين او عينك تهل دمعتها  
هذا الي جره اعليها عباد الوثن من جاك  
او كل الجره على الزهره بأرض الطف جره واكثر  
هجم على الزهره صارت هجمت العسكر  
ايكسر الضلع صدر احسين تحت اخيولها اتكسر



بسقاط الجنين الطاح طفل احسين ويتامك

( وله أيضاً في رثاء الحسن «ع» )

بحر الكرم ايست وفده وخابت اظنون إلى تكصده  
اصبح الناعي ينعه فكده من السم يويلى جذف جبده  
والحسن هل دمعه على خده ودم تهل اعيون التوده  
واعدها فرحانه وامعيده

( وله أيضاً في رثاء علي بن الحسين الاكبر )

شد شبیه المصطفى اوشب نارها  
لكد على الجيمان شبه الزلزله  
شتت راحت منها متوجها الفله  
صاح بيهم صبحت الليث العرين  
اليوم اراويكم فعل جدي الجنين  
غاص بين ارماحها اوبين السيوف  
من عجاج الخيل ضلت ماتشوف  
فرت او ما تدري لاوين المفر  
وذاك من سيف النفل رامه انظبر  
كفوا و نعمين الحرب عنده طرب  
ويل كلبي امن العطش كلبه التهب  
رد يصيح ابصوت يندب والده

البقوم ظنت هلسكد كرارها  
لوغدت بالأرض وترجف المله  
ومنها كالت جن غضب جبارها  
جدي حيدر والنفل عودي الحسين  
الباجيه اليوم الحشر آثارها  
شتت خلاها غدت ذبيح الصفوف  
اظلم شعاع الشمس من اغبارها  
هذا صد مهره اوقع هذا عثر  
اكروم لا چنه يهتف اعمارها  
الروس شرقتها ولا منها ارتهب  
نار ماي ايريد يطفي اشرارها  
احسين يا بويه اورد ليه النده

كلى يا بويه علي اعليك اشسده  
 كاله بويه تره كلبى انفطر  
 منين اجيب الماي كله واعتذر  
 معني ليها وغدت منه تلوج  
 هجوم اكروم العده اوراحت تموج  
 من عكب ماجندل اكروم الكفر  
 انظر بالسيف اوشبك سرج المهر  
 وگع وبلي اوصاح لا چن صيخته  
 من سمع صوته لكاه يم چشته  
 صاح يا بويه على الدينه العفه  
 امتر يويه العدو والشامت غفه  
 صيحتك هاجت ابكلى نارها  
 من العطش والشمس والخر والقهر  
 ايس اورد معني الكفارها  
 صال لاچن غدت مخليه للسروج  
 اوكلب يمنه الحرب فوك ايسارها  
 او كسر اسيوف العده اوديج السمر  
 وگع جيدوم الحرب دوارها  
 ذاب گلب احسين منها اوچيدته  
 اوشاف جسمه امخدم ابتارها  
 عكب عينك ياشديه المصطفى  
 ابختلك مني استافت نارها

( وله أيضاً في رثاء القاسم )

صال شبه الصاعقه الحين التخر  
 شبل ابن حامي الحمه عنه تفر  
 ضيگك اعليها الزرد من صارمه  
 الروس شرگها اوچشها امخدمه  
 اچش اسحگها اوروس الهاشرك  
 تظن طير الموت حل بيها اوخفك  
 نار المنايه ابجد سيفه توج  
 لو تجف دونه اينخلى السرج  
 وصاح بيهم بالعهه هذه الضفر  
 والزررد على جامم ضيگه  
 كفوا او خله الخيل تسبح بالدمه  
 اوغدت تحت اخيولها متسحگه  
 او منه راحت تفر ماخذها الرهك  
 والمنيه ابسيف جامم معلگه  
 والابطال يخوفها منه تهج  
 اكروم ما وگفت السيفه اتعاذگه

ابد ما والله تكف دون الفحل  
ويل كلبى انقطع اشراك النعل  
انوه ايشده او يرد الرادته  
اولن اجت ضربت الازدي الهامته  
سبح جاسم بالدمه اوناده يعم  
لقه اوشافه امخدم اورامه انجسم  
صاح يا جاسم او عد راسه كعد  
يا بن اخويه العرس جا المن بعد  
اولعب بيهم ما لعب حين الحمل  
انوه ايشده او يصول على البگه  
ايذجر اعداه حرب جده او حملته  
اوسبح جاسم آه من دم مفرگه  
من سمع صوته النفل دمعه اتسجم  
صاح لا چن دمعه دم امدفكه  
ويل كلبى ينحب او كلبه انمرد  
اوهامتك من سيف الازدي امشركه

( وله أيضاً للقاسم «ع» )

شبل الحسن لحسين اعنته  
كله الحسين وجذب ونه  
يكله او دمعه مطر چنه  
ارخصه وسل سيفه المجنه  
او نخله الكوم اتروط منه  
اسم الله على اسمه او زغر سنه  
العمه او يريد الرخصه منه  
لا وين آروح عنه  
اريد اطلب ابثارات اهلته  
للحرب طبه والوت العنه  
نعمين ضرب السيف فنه  
غريس او بدمه تحنه

( وله أيضاً في رثاء عبد الله الرضيع )

طفل او رضيع اشيطلبونه  
لونكم ينخوتي تاخذونه  
او شربة اميه ايشربونه  
ومن العطش غارن اعيونه  
للكوم بلچن يرحونه  
او سالم الامه يردونه



( وله أيضاً في حمل الحسين طفله الى الأعداء )

شاله حسين ابكلب لطفان بديه واتوسط الجيمان  
 ناده يعباداة الاوثان يا ذنب من هذا الطفل بان  
 الجده شفيع الانس والجان على الماي طفله ايموت عطشان

( وله ايضاً في وقوف الحسين بين الصفيين وعلى يديه الطفل )

ما بين ما تهمل دمعته او يشوف الطفل ذابت جبدته  
 لن الرجس عين ركبته رماها ابسهم شلت يمنته  
 يا ساعد الله كلب عمته وامه الرباب او بسكينه اخته

( وله ايضاً في مجيء طفلة مسلم الى الحسين «ع» )

من لفت يم عمها حميده اكعدت تون ونه شديده  
 تكله يعمي ابوي اريده اشو طرشته صارت بعيده  
 يكلها او بجه او يصفج ابأيده بالكوفه ابييج بكه او حميده  
 وأهل الغدر كقطعوا وريده

صاحت ونجري الدمع على الخد يتيمه صرت الله ولحد

( وله ايضاً في مجيء الحر الى الحسين )

من لفت رايات المشرجين وتلممت كلها على احسين  
 الحر عرف كومه اشناوين اجتل الحسين او هله الطيبين  
 لفه او دمعته تجري من العين متوسف او يصفج باليدين  
 ينادي يليث الهاشمين أنه الروعت هذي النساون  
 جيتك يا بن سيد النبيين نادم على امري اوتايب الحين

( وله أيضاً في جواب الحسين للحر )

كله الحسين ابدع مسجوم وابكالب ذابت منه الهموم  
انجانك تايب يجيدوم يغفرلك الواحد القيسوم  
اريدك تجاهد دوني اليوم او تحامي عن زينب او چلثوم

( وله أيضاً في رجوع الحر الى الميدان )

ودع احسين اورجع فرحان لكذ غوجه واتوسط الجيمان  
غده ايجندل ايسيفه الشجيمان اوخله الدمه على الارض وديان  
اوتناخت عليه كل اهل كوفان او دارت عليه بسيوف ووزان  
لمن تگنظر على التريان

( وله أيضاً في وقوف الحسين على مصرع الحر )

من وگع جاه احسين يمه اوشافه خضيب ابفيض دمه  
فرگه انخنه ايجبه ويشمه ويگول حر عليه اسمه  
ما خطت بسمه ابد أمه

( وله أيضاً في رثاء العباس ع )

لگد عباس او صرخ بجموعها اولف رواياها وشق ادروعها  
لف رواياها او تررف رايته وارعب اگلوب الابطال ابلگدته  
كفو عوده الليث هذي عادته عاده اتورث الاصول افروعها  
قل كتابها اوفرش منها الابدان على الارض يدوسها ابجدم الحصان  
شبه ارض الطف ايوم النهروان غدت ما تلحق نفر من روعها  
رعد بيها او كبردس ابطال العده اوروس بيها امطبره من امهنده

والجثث فوق الوطيه امدده  
 ما تعرف الراس منها امن الجسم  
 كفو شل الليث من شاله العزم  
 من عكب ماسلب من عدها الجبود  
 وافضخوا هامته يويلي بالعمود  
 وگع ويلي اوصاح لعصيده الحسين  
 انكسر ظهره اعليه وناده ابونين  
 غدت بأرض الغاضريه اتلوعها  
 مهشمه بالخييل وايدوس الزلم  
 ادعه الخيول اتعثر بصروعها  
 فروا جوده او قطعوا منه الزنود  
 وگع وعيونه تهل ادموعها  
 لفه احسين او شافه مفضوخ الجبين  
 من يسجن للحراير لرعها

( وله ايضاً في رثاء العباس «ع» )

سكته لعد عمها لفت  
 انتحبت ابوجهه واشتجت  
 تدريبه ما يرضه تذل  
 عنده اشتجت حال الحرم  
 ومن العطش گلي انفطر  
 لمن سمع شبل الفحل  
 وصل المذهب وانتفض  
 والجود زمه على المن  
 واعلى المهر حين العله  
 شد على الجمع خله الفزع  
 ابسيفه شرك طوس اودرك  
 لمن وصل للعلمي  
 بيده غرف ماي اودكر  
 راعي الحميه ونادته  
 عنده او دمعا هله  
 سكته او تقبل غيرته  
 او حال الرضيع الوعه  
 والطفل ذابت جبده  
 سكته ابضاها لامته  
 والغضب لاح ابگصنه  
 او هلهات سكته الكومته  
 كامت تررف رايته  
 سبعين الف ما نخرته  
 وافنه الجموع ابلگدته  
 اوبي نزل يترس جربته  
 سكته ابسد ما ضاگته



ذبه او مله چوده اوظهر او للخيم صارت نيته  
 حاطت عليه ذبيح الحرم او عاگه الكدر عن رده  
 او سهم العده الجوده فرده او كطعوا يمنته او يسرته  
 وبسهم صابه حرمله او بالعمد طروا هامته

## ( نعي )

للشاعر الكبير المرحوم الشيخ عبد الامير الفتلاوي

اليوم اهل كوفه اشعلمها وتغزلت خيل او زلها  
 تهجم على الثابه ابغزمها ونصارنه شدت حزمها  
 اجه ازهير للرايه اولزمها او حبيب استعد والزم لها  
 والحرم طلعت من خيمها تنخه الذي يجلون همها  
 ( وله أيضاً )

الاصحاب للموت استغدوا على الخيل من شدو اشتدو  
 تناخو على الجيمان هدو جزو كل مواجها او تعدو  
 ينفوسهم احسين فخدو راحو ولا منهم الردو  
 ( تم كتاب النصاريات )

\* الكتاب: النصاريات الكبرى |

\* المؤلف: للشاعر الحسيني المعروف المرحوم الشيخ محمد نصار العراقي

\* الناشر: منشورات الرضى - قم المقدسه

\* عدد الصفحات: ٤٨ : جاب امير

\* القطع: وزيرى : يُسرازم

\* الطبعة: الثانية

\* السنة: ١٣٦٨



مَشُورَاتُ الرِّضِيِّ قِيم

---

منشورات المكتبة الحيدرية ومطبعها في النجف ت (٣٦٨)

١٣٨٥ هـ - ١٩٦٥ م











(NEC)  
BP193  
.13  
.A3  
I266  
1987

Princeton University Library



32101 088444870

AL-NASSARIYAT AL-KUBRA:  
FI RITHA' AL-IMAN  
AL-SHAHID AL-HUSAYN...

\*\*\*

IBN NASSAR